



## O'ZBEKISTON RESPUBLIKASI NAMANGAN VILOYATI HOKIMINING QARORI

Namangan sh. Istiqlol ko'chasi 57.

2023 - yil 14 - iyun

220-6-0-Q/23

Namangan viloyati hokimligi

### **Norin tumanidagi “Xo‘jaqo‘rg‘oncha” oilaviy shifokorlik punkti faoliyatini tashkil etish to‘g‘risida**

O‘zbekiston Respublikasi Prezidentining “Birlamchi tibbiy-sanitariya yordami muassasalari faoliyatiga mutlaqo yangi mexanizmlarni joriy qilish va sog‘liqni saqlash tizimida olib borilayotgan islohotlar samaradorlogini yanada oshirish chora-tadbirlari to‘g‘risida” 2020-yil 12-noyabrdagi PF–6110-son Farmoni, “Birlamchi tibbiy-sanitariya yordamini aholiga yaqinlashtirish va tibbiy xizmatlar samaradorligini oshirish bo‘yicha qo‘shimcha chora-tadbirlar to‘g‘risida” 2022-yil 25-apreldagi PQ–215-son qarorining 2-bandi, Vazirlar Mahkamasining 2022-yil 25-apreldagi 211-son qarori bilan tasdiqlangan “Yo‘l xaritasi”ning 73-bandi ijrosi yuzasidan viloyatda 2021-2023-yillarda oilaviy shifokorlik punktlari va oilaviy poliklinikalarni bosqichma-bosqich tashkil etish, Norin tumanida aholiga ko‘rsatilayotgan birlamchi tibbiy sanitariya yordami xizmatini yanada yaqinlashtirish hamda viloyat sog‘liqni saqlash boshqarmasining 2023-yil 15-maydagi 09853-son taklif xatini inobatga olib, O‘zbekiston Respublikasining “Fuqarolar sog‘lig‘ini saqlash to‘g‘risida”gi Qonunining 6-moddasi hamda “Mahalliy davlat hokimiyati to‘g‘risida”gi Qonunining 6 va 25-moddalariga asosan,

### **QAROR QILAMAN:**

1. Viloyat sog‘liqni saqlash boshqarmasining “Norin tuman Xo‘jaqo‘rg‘oncha oilaviy shifokorlik punkti faoliyatini tashkil etish to‘g‘risida” 2023-yil 15-maydagi 09853-son taklifi, Sog‘liqni saqlash vazirligining 2022-yil

19-yanvardagi 09-07/1341-son xati bilan oilaviy shifokorlik punktini tashkil etish masalasi kelishilganligi ma'lumot va asos uchun qabul qilinsin.

2. Norin tumani, Xo'jaqo'rg'oncha MFY, Mustaqillik ko'chasi, 1-uyda joylashgan sobiq "Xo'jaqo'rg'oncha" qishloq vrachlik punkti bino va inshootlari o'rnida Norin tuman tibbiyot birlashmasiga qarashli 50 qatnovga mo'ljallangan "Xo'jaqo'rg'oncha" oilaviy shifokorlik punkti tashkil etilsin va faoliyatiga ruxsat berilsin.

3. Mazkur oilaviy shifokorlik punktining pochta manzili Norin tumani, Xo'jaqo'rg'oncha MFY, Mustaqillik ko'chasi, 1-uy etib belgilansin va unga (*"Xo'jaqo'rg'oncha" MFYning 3 998 nafar, "Changitma" MFYning 2 003 nafar*) jami 6 001 nafar aholi biriktirilsin.

4. Sog'liqni saqlash boshqarmasi (A.Iminov):

"Xo'jaqo'rg'oncha" oilaviy shifokorlik punktining nizomini ishlab chiqib, Davlat xizmatlari markazida davlat ro'yxatidan o'tkazsin;

ish jarayonlarini tasdiqlangan Nizom talablari asosida amalga oshirilishini qat'iy nazoratga olsin;

Iqtisodiyot va moliya bosh boshqarmasi (Z.Baxriddinov) bilan birgalikda oilaviy shifokorlik punktining Nizomiga asosan shtatlar jadvalini ko'rib chiqib, ro'yxatdan o'tkazsin;

ishchi-xodimlarni oilaviy shifokorlik punktida to'liq ish bilan ta'minlasin.

5. Norin tumani hokimligi (J.Nurmatov):

"Xo'jaqo'rg'oncha" oilaviy shifokorlik punktini mahalliy budjet mablag'lari hisobidan zamonaviy tibbiy asbob-uskunalar bilan jihozlash uchun zarur bo'ladigan mablag'larni ajratsin.

6. Viloyat ichki ishlar boshqarmasi (Sh.Aliyev):

oilaviy shifokorlik punkti tashkil etilishi munosabati bilan gerbli muhr va tamg'a tayyorlashga belgilangan tartibda ruxsat berilishini ta'minlasin.

7. Mazkur qaror "Namangan haqiqati" va "Namanganskaya pravda" gazetalarida e'lon qilinsin hamda viloyat hokimligining rasmiy veb-saytiga joylashtirilsin, ushbu qaror rasman e'lon qilingan kundan boshlab kuchga kiradi.

8. Qarordan norozi bo'lgan shaxslar belgilangan tartibda tegishli vakolatli

organga yoki sudga shikoyat qilish huquqiga ega.

9. Mazkur qarorning bajarilishini nazorat qilish viloyat hokimining o‘rinbosari G‘.Murodxujayev zimmasiga yuklansin.

Viloyat hokimi



Sh.Abdurazakov